

并設意買使之人軍調別處邊衛民与舍餘發附近
衛分充軍一節臣等詳看得前項偽造假銀奸詐之
徒差止依律問擬徒罪委得人心易玩若俱發遣充
軍則又立法大嚴合無今後遇有前項偽造假銀及
知情買使之人事法到官依律擬議不分軍民舍餘
俱於本處地方枷號一箇月滿日照例發落充軍職
官有犯仍照常例施并通行内外問刑衙門一體遵
守如此則法令適中人知警惧而良善不受害矣具
題奉

聖旨是欽此

詐稱錦衣衛校尉占宿公館訪察事務要妄等
平人嚇詐財物者問罪連當房家小發邊衛充
軍例

成化九年七月二十二日刑部尚書陸 等

題為巡捕事江西清吏司案呈問得犯人在墊招係直
隸武清衛鎮撫杜剛堂兄先蒙本衛差墊巡捕為因
生事革退是墊不合常帶鐵尺麻繩結交未獲餘丁
呂推張礼王忠張貴黃安張勝蘇紀楊廣已獲武榮
各不合詐稱錦衣衛校尉指以挈賊為由嚇詐人物
分用一向不曾事發成化元年三月內墊与呂權同
坐坵縣民人孟源家被盜与榮等商說我每設計去
將坐坵縣民人魏福安家掣他一遭詐此東西使用
武榮等亦不合依允就於本月十四日墊等沿路詐

稱錦衣衛差未巡捕校尉拏賊前到楊村罷渡口過
河聞見得不知名一人在過渡處被人偷去布衫一
件墊等將賊人投住問名張怒就將本賊裝頭打匾
妄指魏福安家曾同打劫孟源家財用舡將張怒裝
至丁字沽叫集地方火夫張瑞等分付我每是錦衣
衛校尉捕這作眼的人拏賊你每着幾箇跟去張瑞
等依允各拏袖捧鉄尺跟同墊等行至魏福安家墊
与武榮等十名各不合詐稱校尉帶領張瑞等進入
本家將魏福安姪魏全魏鑑魏成并女婿李名拏住
用刑考打逼招強盜孟源家財有魏全等執称良善
不曾為盜墊等不由分說將魏全等掣到地方海南
加刑考打逼招強盜魏全等受刑不過只得妄招墊
等搜出魏全家自己鉄鈕四把鉄搥二把魚銅十二

付作贓又各嚇說若無東西打發拏去錦衣衛索部
是死魏福安惧怕當將黃牛七隻賣与本處民人趙
全李名妻魏氏將伊女李年兒賣與餘丁曹鑑共得
銀八兩五錢五分黃生絹一疋藍小布三段交与墊
等收接墊等仍將魏全打要誣指熟識軍人王友同
盜又將王友拏住詐得銀二兩五錢又逼令魏全等
誣指民人貫清同盜詐得銀五錢白生絹一疋當將
賊人張怒連原偷布衫并王友貫清俱各踈放是墊
分與火夫張瑞銀一錢五分藍小布一段郭斌銀一
錢五分藍小布一段周廣銀一錢四分藍小布一段
先行散回墊又分与武榮銀七錢未獲呂雄銀八錢
八分黃生絹一段張貴銀一兩一錢張礼銀七錢楊
廣銀三錢五分張勝銀二錢二分王忠黃安蘇玘各

分銀三錢二分。楚自得銀六兩七分。白生絹一段。要將魏全等釋放。恐伊告狀。仍設逼拘孟源。作失主冒認銀。銀二把銀三錢。楚將魏全等四名俱作強盜押至直隸武清衛計屬本衛巡捕指揮僉事高源。將魏全發下鎮撫司。与堂第杜剛收問。并該吏張崇明知楚等生事妄拏平民。詐取財物。各不合。將魏全等收監。淹禁日久。不与分辯。致被錦衣衛巡捕校尉緝知。將楚等捉獲。呂稚等八名聞知。事法各不合。連楚逃走。不知去向。後有鎮撫杜剛該吏張崇有勘合到衛。取人要救楚等無事。及因魏全無招。难以起解。不合非法用刑。將魏全等鈞打。又用磚於膝腿等處。蹣壓逼招盜情。魏全等受刑。不过依証承認。偷盜孟源家財物。杜剛張崇又因魏全係隣縣民人。与伊無干。平空捏稱魏全等偷盜住人王友衣服等項。虛情妄捏。贓數在內。問擬魏全魏鑑魏成。各名竊盜。得財滿貫。徒罪俱於有小臂膊刺竊盜二字。送人起解。送司查問。杜楚武榮張瑞郭斌周廣俱犯該哄嚇取人財物者。計贓准竊盜論。如一等一百二十貫。罪止律杜楚為首。減等杖一百。徒三年。武榮等俱為從。各杖九十。徒二年半。各照例做工。滿日各着役隨住。照出高源杜剛另行提問。發大理寺審。免回報到司。除將張瑞等照例發落外。叅照杜楚武榮係重情人。犯着將各犯止。是照例做工發落。此等無藉之徒。怙終玩法。未免出外。仍前詐害平民。深為未便。查得先該錦衣衛同知逯果奏稱訪得近年以來有等無藉之徒二三同行詐稱校尉名色。在於有司軍衛指以公差。經過

為由需索酒食擅宿公館甚是騷擾未便照得本衛
官軍旗校士匠人等不下三萬餘數多係南北直隸
浙江湖廣江西福建山東山西河南陝西等處籍貫
其餘舍餘人等有給引在外行商并來京供給者故
作非為索取軍衛有司財物者亦有等平昔遊手遊
食奸詐之徒指稱本衛官校之家第姪子男及詐伴
送夷人閑鹽等項名色者被擾所在官司無從盤詰
阿從供給似此奸弊非止一端如蒙乞

勅都察院通行巡按監察御史仰各該府州縣軍民等衙
門通行禁約如有公差人等經過務要盤費若有虛
詐但稱本衛名色就便挈解赴京究問如有阿縱供
給及縱容不挈者事發與同罪庶使奸弊可除民無
擾害等因具奏奉

英宗皇帝聖旨都察院看了來說欽此欽遵本院看得所
奏前因誠為有理欽此榜通行在京并南北直隸浙
江等處張掛禁約今後如有民人及別衛官軍餘丁
人等詐稱錦衣衛官校舍餘將軍力士匠役敢有仍
前為非計所在官司不分軍民賊官就便擒拿審問
的確牢固枷釘解京究問明白連當房家小發邊衛
充軍若軍衛有司驛站大小衙門官吏明知詐偽擾
害軍民不即擒挈阿諛听從者事發一体究問等因
天順四年八月十六日本院左都御史冠 等具題
奉

聖旨是恁都察院便出榜禁約犯了的重罪不饒欽此欽
遵通行禁約數年之間奸詐頗息遇蒙天順八年正
月二十二日節該欽奉

詔書內一款凡問囚犯今後一依太律明科斷所有條例
並宜革去欽此緣此等囚犯因見前例革去止依常
例發落往往似此非為不知警懼擾害良善案呈到
部參照犯人杜堃等糾衆成群詐稱錦衣衛巡捕校
尉投拏平人逼招強盜誣指平人嚇詐財物以致魏
福安等變賣牛畜子女送與銀兩打發仍不得免又
屬送武清衛鎮撫酷刑承招故人徒罪俱各刺字原
情論罪法所難容合無申明前項榜例禁約將見獲
犯人杜堃武榮免其做工送兵部連當房家小發邊
衛充軍未獲逃犯呂稚等仍行錦衣衛并各犯該管
官司設法換拏解部查問一體發遣充軍仍通行在
京南北直隸浙江等處巡撫都御史巡按監察御史
并各該司府衛所等衙門嚴加禁約今後凡有官旗
軍民區校舍餘人等敢有仍前在外二三同行詐稱
錦衣衛校尉巡捕巡視名色佔宿公館訪察事務扇
惑人民妄拏平人嚇詐財物生事擾害者就便捉拿
審問得實牢固枷釘差人解京究問明白照例發遣
所在軍衛有司驛遞等衙門阿從故縱者事發悉治
以罪如此庶使奸詐知惧良善獲安緣係申明禁約
事例及提問指揮使高源鎮撫杜剛俱係軍職未敢
擅便具題次日奉

聖旨是欽此